

Nuorttanaste

„Mutto go si oidne naste, de sadde si illoi.“

„Son (Jesus) læ dat čuvvgis iddedes guovsonaste.“

Nr. 6.

16. jakkegardde.

•Nuorttanaste• maksa ovta kruvna jakko dagast, bladde dinggujuvvu juokke poastarappe bokte.

30. Marts 1914.

•Nuorttanaste• olgusboatta guovte gærde manost — dam 15ad ja dam 30ad læive juokke manost.

Arbbe suddo

(Sisasaddejuvvum).

Dat læ min vanhemi vuostamuš jorralus, Nuft læ suddo ovta olbmu bokte boattam, mailbmai ja jabmem suddo bokte, ja jabmem nuft čadabakki buok olbmuidi, dainago si buokak suddodegje. Mutto ouddal suddojorralæme læiga soai vigitæme ja vanhurskasa, ja dam dile siste lœi sodnost maidai Ibmel govva. Mutto soai massiga dam fast suddo jorralæme mannel ja šaddaiga jabmem moare vuollai aššalažžan. Gal dat læ migjidi okta maid mi barrep guoratallat; dastgo min aigge læ varalaš. Værreosko vigga sisabakket, maid olbmu jierbme i fuomaš; mutto dušše Bassevuoiņa čuovgas, ja gudek dam oskot ja čuovvolet mannet agalaš lappujubmai.

Min aige gavdnujek maidai olbmuk, gudek sardnedek atte manna læ bušše ædnehæga rajest, ja nuft si dakek arbbe suddo duššen. Dam sëmma oaiveldek „oddasistgastašægjek“ ja Kalvenistak, ja ædnagak dam jakket ja čuovvolet. Mutto Lutherus, min kristalášvuoda vanhem, son gal sardnu sikke Girkkopoastalest ja ječas stuora ja ucca Katkismusast, atte juokke manna mi riegada mailbmai, son riegad arbbe suddoin. Ja dam su oapa nanne olles bibal duottan — sikke boares ja odda testamenta. —

Daved vaiddala: „Gæča, værredago siste læm mon riegadam,

ja suddo siste læ mu ædne mu sakkanattam (Salma 51,v,7), ja Jesus sardnu Nikodemusi: „Mi oažest læ riegadam, oažže læ, ja mi Vuoiņast læ riegadam, vuoigņa læ.“ (Joh. 3,6).

Ja Job čaikka: „Mi læ olmuš, go dat galgaši læt buttes ja muttom, gutte læ nissonest riegadam go son galgaši læt vanhurskes? — Gæča, su basides ala i son luote, ja olmek æi læk buttas su čalmi oudast, — jobe son dalle muttom faste, muttom billašuvvum, daggar olmai, gutte jukka værevuoda nuftgo čace.“ (Job. 15,14—16). Mataši go dadde buttes boattet buttesmættomest?

Allop mi jake gærbumaša giellasidi! Valddop vara! Moft Eva bættatalai su giellasidi, aido sëmma hames son dalge jotta ja sardnu njalga njuokčamin ja giellesta olbmui. Son bætta čuovggas engel hame vuolde.

Olbmu manna, mi riegada oažest, daggar siebmanes, mi læ čada mirkotuvvum suddost, son darbaša basse gastain gastašuvvut, mi læ okti ovtastattujuvvum Ibmel sanin ja basotuvvum dam bokte oktan varralavggon, mast buok buttesmættomak lavggujuvvujek ja bassujuvvujek vielggaden, ja šaddek audogassan anaškætta aive armost. — Basse Johannes čalla: „Golmas læk ædnam alde, mak duodaštek: Vuoiņņa, čacce ja varra, ja dak golmas læ okta.“ (Joh. 5,8 v.).

Nuft læ Jesusa, dam Ibmel labba varra oktisægotuvvum gastain ja šaddam oddasistriegadæme lavggon Bassevuoiņa siste. (Tit. 3, 5).

Mon læm lokkam bibala ja min girikko vanhemid čallagid ja guoratallam mu jabmemættom divras sillom diti, mi læ Jesus varain buttestuvvum. Im oskel dorvo bigjat ærago Ibmel basse sane ala, mi læ sikke čuovgas ja ællem, ja nuft ravvim mon din buokai dakkat. — Ibmel čuvvgijekus Vuoiņas ja sanes bokte juokke goccam sielo.

Dærvuodaiguim buok vieljidi!

Laksely, 18—2—1914.

O. S.

Sudde ja arbmō

(Sisasaddejuvvum).

Dalle go mon legjim suddo siste vagjolæmen, de im mon dovdam mu suddori. Mutto gitto to Ibmeli, go mon læm dal boattam suddodovddoi O. Ibmelam, mon gittam du, go mon læm eritbæssam dam stuora riššadolast, mi læ agalaš helvet, gost læ čierrom ja banigiččam. Dal læ mu čuorvas Ibmeli: Bæste buok divras sielo erit dam agalaš havatusast. nuftgo muge læk bæstam!

Vuoi man suotas læ osko siste vagjolet! Mon legjim okta lappum savecca, gi legjim ravvgam savecca-ælost erit: mutto Ibmel armo bokte læm fast gavduum ja dal læm mon oddasist riegadam. Mutto dal læ must maidai garra soatte; mutto man buorre diet et atte must læ dal okta buorre vække, ja dat læ Ibmel. Son væket buok hætte gærjedegjid.

Mu rakis vieljak ja oabbak

rokkadallek dige mu hæjo oudast, di gæk lepet buoreb go mon. Ja dam sæmma berrim monge dakkat.

Loapatam dam have mu hæjos čallagam vieljalaš dærvuodaguim buok osko vieljaidi ja oabbaidi.

O. Pedersen Guttorm.

* * *

(Nuotta: Čiegnal armost siskaldas.)

1. O, mon stuora suddolaš,
O, mu Jesus veket mu,
Buok mu suddoi buttes don:
Kristalažžan šaddim mon.
2. O, man buorre oskot læ,
Jesus vara maistam læm
Dam odđa jage sasa mi
Armost munji addum læ
3. O, man ilost læm mon dal
Jesus dago ožžom læm
Dam im sate hilggot šat,
Buok oabmenain mon ožžom læm
4. O, mu rakis ustebak
Vulggop armo aige mi
Jesus armo sarjidi
Ouddal armo mañedap.
5. Væket mu dal Jesusam
Oskaldassan vagjolet!
Jabmem gietta mu miel'd læ
juokke sajest gost mon læm.
6. O, man sagga gillam læ,
Dat rakis Hærra Jesusam
Mu hæjo oudast dobe don
Ja mon læm dal osko sist.
7. O, mu rakis Ibmel ač'
Adde munji andagass'.
Buok mu stuora suddoidam
Maid du vustai dakkam læm!

O. P. Guttorm,
Lagesvuonast.

Jottolagast.

(Redaktora Matkebræva).

I.

Vinag aigom monge diktet vebaš gullujuvvut aldam. Lifčim galggam ouddal juo čallet; mutto uccan læmaš sagje min bladest, go ollo læmaš sisasaddejuvvum bittak, maidi mi læp gæččalam addet saje buoremus lakai.

Gukkes aigge læ dam rajest, go mon læm guoddam mu rakis

sidam (mañemuš beivid januar manost). Im astam gukka orrot baikest dam have. Bælddo læ stuores, mutto uccan barggek. Go mon december manost guddim Lagesvuona (Igjavuona), de læi Hærra olles mærest alggam dakkat su dagos, ja nuft mon im astam ila gukka orrot baikest, mutto ferttjem fast mannat dokko, gosa Hærra læi rappam mudnje uvsu. — Ja mon im šaddam hæppad vuollai. Dat vuostas baikke, gosa mon mannim gaddai, læi Baktesuolo. (Vakko mañnel bodi mu jottem skippar John Josefsen maidai dasa: Son læ odđa balvvalægje Hærra vinegardest).

Suottas læi fast gavnadet daid rakis vieljaguim ja oabbaguim. Farga dovdaimiek mi duottavuoda dam 133 Daved salmast: „Gæča, man buorre ja man havskek dat læ, atte vieljačak maidai ovtast assek!“ — Mist legje buorre čoaggalmasak dobbe ja Hærra dovdasti su dagost: sielok bestujuvviegje, Ibmel manak avvodegje ja Hærra namma gudnejattujuvvui. Mutto ovtastorrom læ alo nuft oanekaš ja aigge manna alo nuft jottelet. Fast ferttiek mi æro valddet dai rakkasiguim, ja monno matke manai nubbe bællai ja farga dærvataddaimiek mi dai likkolaš Igjavuona ustebiguim. Aigge læi garžže. Mu jottem ruvta i læm gal dam have Lagesvuodna; mutto ferttjem dadde valddet dam mokke gæččam varas dam „dola,“ mi ouddal juovlai læi alggam buollet Igjavuona bældde. Mutto dat buli ja buli burest, Ibmeli gito! Dobbe læi šaddam čuovggad ja ain čuovggadebbun šaddai, nuft atte dal oažžo dam vuona goččut „Bæivašvuodnan“, dastgo vanhurskesvuoda bæivaš læ alggam sunjardet dam vuona bagjel. — Sielok — narak ja boarrasak ja vela manakge botte bestujubmai. Ja gal mist legje suotases boddek dobbe. Čoaggalmasak juokke bæive, ja ollo olmuš. Juokkehaš gi juo bæsai, fertti mannat čoaggallassi. Ja lavllom jiedna gullui mietta — i dušše čoaggallassain, mutto maidai suga-ja vazzededin. Dat aigge maid mi vaseteimek

Igjavuonast læi okta mavvolaš ja burestivdneduvvum aigge. Burek „bivddobæivek“ mist legje dobbe. Ollo „guolek čagne firbmedi,“ ja illo læi diedostge stuores Ibmel manai gaskast, mi juo læ davalaš, go suddolažak bestujuvvujek. — Jos dak sielok buokak bissok gidda jabmem ragjai oskaldassam, de Ibmel valddegodde almet læ stuora vuoto dakkam. Ja dat læ min doavvo ja min rokkus sin oudast, atte si dal læ loaidastam. Mutto mi diettep maidai dam, atte dobbe gost Ibmel vuotta, dobbe gilla maidai bærgalak tapa, ja son sutta. Son sutta oudemusta sardnedægjid ala, ja dasto daid ala, gæk jorggalusa dakek. Mutto maid dat dakka, æccalažaidam. „Go Ibmel læ min mielde, gi matta dalle læt min vuostai?“ (Rom. 8.31). Son aiggo varjalet su manaides gidda beivi loppo Matt. 28,20). —

Gal ain lifčim læm suotas orrot dai ustebid gaskast, mutto læp mi bæsa alo ovtast orrot. Jesus eelki gærde, atte must læ maidai æra savcak, mak ai læk šdam balgga alde, sin maidai berre occat. Mi boattop davja dam fuomašet, atte bæiddo læ stuores, ja barggi gaibbadus stuores. Ollo læ čuorvvam jienek duobbe dabe, ja olmuš ollo nuft uccan dai jienai dutadet. Ollo nælgo sielok nælgok Ibmel sane mañnai min Sameednamest. Muttom sajin i gavdnu oktage gutte jotta, ja muttom sajin fast „čoran“ jottek sardneolmuak. I šadda buok aigi riehta vanhurskaset jukkujuvvut. Mi, gudep sardnedap Ibmel sane, mi berrep mærkaset dam. — Ja mon bælestam læm viggam jottet erinoamaččet daggar bonito bæle baikin, gost uccan ærak jottek; mutto im monge olle nuft gukkas go halidifčim.

Mu jottem mañradus læi odđajage mañnel Danovuona, gosa mon maidai dal læm ollim. Suottas læi fast ollet mu riegadam gielddasam, ja oaidnet mu rakis ædnam ja fuolkidam ja æra oappes olbmoid. Manga boares muito ouddanboattet go olmuš duolmasta fast riegadam baikkasis. Da gieskad leimek mi manak ja dukkuraddaimiek nuftgo manak. Ja dal læm juo monge olles olmuš, odne go mon čokkam mu mannavuoda baiketan ja čallam dam matke brævvam.

Dal læm mon mu ječčam oazžalaš fulkidam gaskast. Dam mano goit šaddam mon jottet daggo birrasin, ja ollo vejolaš boatte mano bivddoværain. Buok boatta dast moft buoremusat heive.

Ollo lifči ain čallet dabe dam oappes guovlost mutto vurkkim nubbe havvai.

Vuostaivalddek mu vaimolaš dærvuođaid buok vielljak ja oabbak Hærra siste, erinoamačēt Lagesvuonast. Di lepet alo mu vaimo alde.

Lavonjarg, 16—3—1914.

Vieljalažut. Din

Ovla Andras.

Brævak.

Raddovuonast.

Hr. redaktoral

Savam likkolaš ođđajage burist-sivdnedusain ja oasalašvuodain sikke vuoinalažat ja rumašlažat. Ibmel armo ja vaimolašvuotta 'suoivvanastasi ain soabmasge bagjeli, atte gavdnat sin sieloidesasek bestujume Jesus Kristus vara ja vaivi bokte; mutto dat i šadda mudoigo duodalaš suddo dovdstame ja gattamuša bokte, vai si šaddašegje dolvvujuvvut Bassevuoinqast dam almalaš savcagoattai.

G. Olsen.

Porsango bævčagaddest.

Hr. redaktoral

Bivddam saje dam moadde sadnail

Mon oainam dam blađe nr. 2 alde, maid »okta cuigodægje« læi čallam ovta dalo birra, gost læi ised ja dam isedest læi boares oabba, gæst læi hæjos dikšo sikke rubmaš ja sielo bælest; dastgo son oroi šivituiguim ovttast ige fidnamge stobost j. n. v.

Don cuoiggejægje gutte læk vugjum dam gielesvuodš hodnetesraiggai, ja čalak daggar giellasid blađe ala ja logak vela ječad kristalažžan. Ja atte don čalak kristalašvuoda, i oro buoreb læme go don ouddalge læmaš. Jurdaš daggar giellasid čallet blađe ala ja gielestet olbmuid nuft viddat, go dat min blađe joavdda. Gosa læk don cuiggejægje vuolggam olbmuid gielestet, ja gukkas gaddat ječad joavddat gielesvuoda gočeld.

Jos mon lifčim æmbo vidnejuk-

ke ja boadašim du lusa vine fallat, de jakkam atte gærggad lifčik jugistet, vaiko logak ječad læk kristalažžan. — Daggar kristalašvuodast gal dakka ovta, mi vašin čalla mænga giellasa nubbe ala. Ja daggar olmuš oaidna davja riba nubbe čalmest; mutto i oain hirsu su ječas čalmest.

Mon læm fidnam davja dam dalost, man birra don »cuiggejægje« gielestet, ja læm vela orrom soamesge ija dam dalost; mutto mon in læk vel fuomašam, atte dat boares oabba læ orrom ija navetest, ja atte dat gilla maidege heđid. Dat nisson læmaš maidai stovost ærai aigege. — Don cuoigodægje ik galga nubbadassi vuolggatet daggar giellasid blađe ala, dainago don logak ječad kristalažžan. Burist dovddam mon du, man raje kristalaš don læk.

Dal loapatam mon mu čallagam savadedin vaimolaš dærvuođaid buok blađe doallidi.

Okta fiskær.

Østertanast.

læp mi ožžom ovta suottasis bræva, mutto dat i heive sisavaldjuvvut min blađdai. Mi bivddep, ane min sivatæbmen, don gudnejattujuvvum sisasadijægje.

Red.

Naitusdille Norgast.

Okta čala (statstik) mi gieskad læ olgusboattam, čajeta, atte Norgast 1910 naittalegje 14,566 bara, maina 7855 gaddebaikin ja 6711 gavpugin

Norra bardnin naittalegje 12,673 nieidaiguim, 247 læskaiguim ja 24 ærranam nissoniguim.

Ærranamolbmam naittalegje 94 nieidaiguim, 14 læskaiguim ja 14 ærranam nissoniguim.

Nuorrabardnin, mak manne naitusdillai, legje oktibuok 235 vuolleld 19 jage, 3869 20 ja 24 jage gaskast, 4840 25 ja 30 jage, 2462 30 ja 34 jage gaskast.

De vuollana doavvo; 35 ja 40 jage gaskast legje 952, 40 ja 44 jage gaskast legje 371, 45 ja 50 jage gaskast 204, bagjel 50 jagest 124.

Nieidak, mak čadnujuv vujegje naitusdillai legje oktibuok 1170 vuolleld 19 jage, 5819 20 ja 24 jage gaskast, 4158 25 ja 30 jage gaskast,

1592 30 ja 34 jage gaskast, 273 40 44 jage gaskast, 132 45 ja 50 jage gaskast ja 98 bagjel 50 jagest.

Statistikka čajeta maidai čielgga-set, man manost olbmuk æneinusat naittalet.

Januar manost naittalegje 958,

Februar —»— —»— 687

Marts —»— —»— 1028

April —»— —»— 1251

Mai —»— —»— 1288

Juni —»— —»— 1374

Juli —»— —»— 1181

August —»— —»— 959

Septbr. —»— —»— 1086

Oktober —»— —»— 1840

Novbr. —»— —»— 1514

Decbr. —»— —»— 1397.

Nuftgo statistikka čajeta, de læ oktober buoremus mauno. Dast maņnel boatta november ja december ælmuus raidost.

Damma „Kristianiafjord“

Dam darolaš Amerikalinja ođđa damppa »Kristianiafjord« bodi 20 februar su maņemuš matkestes Bergeni. Damma mielde botte 256 passašera. Matke alde Amerikast deike læi garradalkke, dat varramus, mi »Kristianiafjord« reisost læmaš. Okta 18-jakkasaš nieidda Aalesundast, gi læi matke alde Amerikai jottemen, oazoi oavvedavda (miellasækkameme), ja i ožžom lobe boattet gadlai dokko. Son fertti fast saddejuvvut ruoktot Norgi.

Fast likkotesvuotta

mærrabivdde guovddo.

Stokmarknesast, Vesteraalast muittaluovu, atte okta mærrabivdde, Jens Johansen, Myrland Hadsel, gaččai bagjel vanasripo merri ja hævvan, go son læi mærrastaddamen Myrlandsfjorast. Ašsen dasa atte son gaččai bagjel vanasripo merri læi dat, atte son oazoi vaibmočaskataga. Olbmuk gavdne su maņnelaš rievddamen mærrast. Dat bivdde læi 30-jakkasaš olmai ja guđi læska ja vitta mana.

Likkotesvuotta.

Gieskad dapaťuvai likkotesvuotta muttom baikest lakka Lillestrøm gavpuga, mi goččujuvu Nannestad. Okta ædnamolmai (dalobuoigge) galgai su hæstas doalvot ravde lusa. Mutto matke alde ruottai hæsta mendo jo

telet, nuft atte vavdno daihe rækka gobmani ja olmai norddaduvvui gæd-ge vuostai, mi læi balgesravdast, nuft sagga, atte son manai jamas.

Ovta dynamitfabrikast.

Glasgov gavpugest Englandast læ gieskad læmas eksplošona, man 7 olbmui sorbmijuvvujegje ja 2 havvattuiuvvujegje. Eksplošona, mi gullui 40 engelas milla duokkai, læ dakkam vahaga maidai æra fabrikaidi daggo lakkasin.

Okta viesso buollan lakka Tromsa.

Dima čavča buli okta ođđa viste ucca sullučest lakka Tromsa gavpuga. Aido go dal ođđa garddem læi huksijuvvum dam buollan garddema sagjai, de buli maid datge dal gieskad. Balatuvvu, atte garddem læ cakketuvvum.

Roosevelt šadda guveruora?

Muittaluvvu, atte Dat oktivutas-tattujuvvum statai ondes presidenta Roosevelt læ divvon ječas kandidatan guveruoravalggi New Yorkast. Sust læ dušše okta vuostakandidata. Oaidnet moft mana, go valgga læ dollujuvvum.

Soappamættömyuotta Ruotarikast

læ dal mañemuš sagai mielde vimag nokkam. Gonagas Gustaf læ vimag ožžom su ođđa raddeaddides rakadettet ođđa raddeatusa. Nuft læ dat politikalaš stuibme min grannaædnamest boattam jaskadvutti, ja dat læ doaivomest, atte rafhalašvuotta ja čuovggadvuoda aigge šadda fast Ruotarikast.

Barga tuberkolose vuostai!

Tuberkolose (raddeavdda) læ okta varalaš davdda. Dat læ juokke olbma ja nisson gædnegasvuotta, atte barggat dam davda vuostai daid radi- guim, mi læ alkke ja maiguim juokkehaš satta namalassi basa vieso lanjaid luote bæivaš vieso sisa, dakid, seinid ja uvsaid ja mañemusta, mutto i uc- cemusat ječad rubmašal

Okta ruošalaš sagafilijægje

læ arresterijuvvum gieskad Ruotarikast. Son læi æritagjuuvvum Ruotarikast, mutto bođi almake ruoktot. Su bagje- list gavdnujegje ollo kartak, maid

særvest maidai kartak mak čajetegje guovloid Stockholma birrasin.

Elias Tønnesen,

dat bæggalmas stuora suola, læ gieskad laggamanddigge oudast Drammenest. Son læ dal dubmijuvvum fast 5 jakkai rangaštussi buok dam mañesuolavučđai oudast.

Kaisar Wilhelm

læ mannam Østerriki oappaladdat kaisar Franz Joseph. ja æra gonagaslaš lattoid dobbe.

Dupak sreika.

Dupakfabrik barggek læk dal alggam streiket, ja dal šadda hui vad- des dupak ožžot, erinoamačet njalbne- dupak.

Garra vaibmo.

Okta olmai aiggo girddet Amerikast Norgi dam gase.

„Selvangivelsen“ duogje.

Min ædnama obmudak læ lassanam 1 milliardakruvnain ja sisaboatto lassanam 180 miljon.

Gal »selvangivelsen« juo læ bu- ristsivdnadussan min ædnami.

Anolaš ja ainas avkalaš juokkehažži.

Selvangivelse ja ain ječa værro- livnegi gulle čallagak, giëttagirje værrogædnegasaidi, čallujuvvum byraache- fast kst. værrosundde I. E. Thomle, læ olgusboattam (darogilli dieđostge) I. M. Stenersen forlagast, Kristianiast.

Dat girje fallujuvvu buokaidi buoremusat. Dat læ čielgas, dievas ja dieđostge ala luottetatte. Dam girje mielde čuovvo maidai okta olgus- devddujuvvum (čallum) selvangivelse, mast oaidna, moft daggar selvangivei- sens blanketta galgga dævddet,

Ruotast

læ dal valddam arvvaladdam vuollai dam bagjelmaralaš kaffe anu smavva manaidi. Arvvaluvvu mästa æmbo tuollo bieggat kaffe ala. — Doaktarak gavnotek dam bagjelmaralaš kaffejuk- kam skadalažžan smavva manaidi.

Burest ansašuvvum.

Okta vuolasbigjum restaranta Kristianiast læ ožžom sako 500 kruvna lobetes vidnegavpes, mutto sæmma aige læ dam bryggeri direktion, mi læ

vuovddam dam restaranti »galvvo« ožžom 2000 kr. sako.

Jos buok lobetes vinegavpašegje- guim nuft manaši, gal vidne mai uc- canifoi.

Ain læ aigge

dinggut Nuorttanaste oddajage rajest. Jos ik doalaš vel blade, de dinggu odne juol Ale mañed!

Buok sisasaddejægjek galggek namaidæsek addet albmosi redaktora daite blade doaimatusa duckkei. Nu- d læ valldujuvvu buok 11. d d i. Na- ma damditi i ligjujuvu blade aia, jos æi dato, mutto redaktora berre juokke sisasaddijægje nama diettet.

Red.

Diedetusak:

Same manai s'ida

Korstjorast Aitavuonast

læ dal gærggamen ja valldujuvvu adnui juli manost. Dam sidast ožžak oarbes manak ja vaivaš olb- muid manak buorre divše ja ba- jasgassema juokke lakoi — sikke rubmaš ja sielo balest. Sikke nieidda ja ganddamanak valldujuvvujek. Gak seje occek, berrejek diedetet čuovvo- važaid: Gandda vai nieidda, diervas vai lames ja man davdast buocca ja manai age. — Bajasdoallo manaisi- dast læ frija. Occek čallusek dalla- naga dam blade redaktora, gutte æmbo bajasčuvvitusa adla dam birra.

Red. Ole Andersen,
Skjoldhavn.

„Nuorttanaste“

kommissjonærak 1914 lek:

Nils Svendsen, Veines,
John Josefsen Lerpel, Porsangen
Per Isaksen, Neiden.
Josef Persen, Kolvik.
Sardnejotte O. Korsvik.
Einar Persen Storfjord,

Loga dam!

A. Larsen samegiel muittalus girje „Bæive-Algo“ læ dal olgusboattam. Dam girjest læ 80 bæle ja mak sa kr. 1,10, porto 5 øra.

Girje satta dingjuvut mu bokte.

A. Larsen,
Repparfjord, Finmarken.

„Nuorttanaste“ čalle, prenttejægje ja olgus- adde læ Ole Andersen, Skjoldhavn.